

四庫全書

子部

欽定四庫全書

子部
羣書考索後集卷二

詳校官中書臣竇汝翼

主事臣祁韻士覆勘

總校官知縣臣楊懋珩

校對官中書臣徐步雲

謄錄監生臣陳元熙

欽定四庫全書

羣書考索後集卷一

宋 章如愚 編

官制門

官數類

唐官六十 通典云唐官數關尚書云建官惟百 鄭玄云
虞官六十 唐官未聞堯舜同道或皆六十并屬官而言
則皆有百

虞官六十

明堂位曰有虞氏官五十鄭云六十

夏官一百二十

明堂位曰夏官百尚書云夏商官倍則

當二百矣而鄭云百二十

商官二百四十

明堂位曰商官二百鄭云二百四十合

依鄭說

周内外官六萬三千六百七十五人

內二千六百四十

三人外諸侯國官六萬一千零三十二人

秦制爵二十等以賞功勞

漢吏員自佐吏至丞相凡十三萬二百八十五人

哀帝

時官數兼諸侯州郡胥吏

後漢内外文武官七千五百六十七人

內一千零五十

五人外六千五百一十二人

都計内外官及職掌人十

五萬二千九百八十六人

魏官置九品其數未詳

晉因魏内外文武官六千八百三十六人

內八百九十

四人外五千九百四十二人

都計内外官及職掌人一

十一萬八千六百七十二人

宋因晉内外文武官六千一百七十二人

内八百二十

三人外五千三百四十九人

内職掌人門亭長孝經師

月令律令師及書佐等一千四百六十一人都計内外

官及職掌人七千六百三十三人

齊内外文武官二千有六十三人

内九百四十七人外

一千一百一十六人州刺史及官屬并太守内史州縣

令相寧蠻夷校尉中郎將護軍等

梁官品秩祿之差亦如前代更定十八班不登二品者
又為七班又置諸軍之號二十四班內外官數未詳

陳官品祿秩班次多因梁制而又置相國位列丞相上
并及丞相太宰太傅太保大司馬大將軍並以為贈官
定令尚書置五員郎二十一員其餘並遵梁制為十八
班官數未詳

後魏內文武官七千七百六十四人

內二千三百七

十一人外五千三百九十三人州刺史郡太守縣令長

等
內文學學生三千人都計內外官一萬零七百六十
四人其京城諸司令史及諸色職掌人及外州郡縣屬
官并諸色職掌人等並未詳命數亦未詳 魏氏之初
法制簡畧設官分職多因事宜罕依故實誠非經遠即
列九品每品又分為上中下三等至孝文帝太和十八
年定令方有倫序又按前代職次皆無從品魏氏始有
之自四品以下正從又分為上下階亦一代之別制也
北齊內品二千二百二十二人 國子太學四門等學生

并尚書都令史門下通事主事等令史五百九十六人
都計文武官及學生令史等總二千九百一十八人

後周改為九命六卿屬官之外內外衆職亦多參秦漢
按所建六官并徒屬及府史雜色職掌人二萬一千零
七十三人 二千九百八十九人 諸色官萬八千八十四

人 府史學生笑生書生醫生倅長虎賁驍騎羽林游擊
奉車馭夫武理武侯卜筮占夢視祿相生等人也

隋開皇中有正從九品上下階至煬帝除上下階唯留

正從九品其餘官品亦多升降萬二千五百七十六人

內官二千五百八十一員外官郡縣九千九百九十五

員又內職掌醫師卜師巫覡掌醢獸醫博士京市長麴

倉督并太學學生刻漏千牛門尉門候之事令史及外

職掌郡縣佐史族正里正等總十八萬三千三百六十

一人內千六百六十四人外十八萬一千六百九十七

人都計內文武官及胥總十九萬五千九百三十七

人

唐開元二十五年制定流內太師而下流外諸衛而下之別有正從九品上下階內外文武官員凡萬八千八百五人

文官萬四千七百七十四人武官四千二十一

人內官二千六百二十外官州縣折衝府鎮戍闕廟岳瀆等萬六千二百八十五人內職掌齋郎

府史亭長主

仗典食監門直長親事帳內等外職掌州縣倉督錄事里正及岳廟齋郎并折衝府旅師隊正隊副等總三十四萬九千八百六十三

內三萬五千一百七十七外三

十一萬四千六百八十六

都計文武官及諸色胥史等

總三十六萬八千六百六十八人制為九品各有從自
四品以下亦分為下階大抵多因隋制

官品類

周官九命漢自中二千石至百石凡十六等

成帝除八

百石五百石秩二等

後漢自中二千石至斗石凡十三

等魏秩次多因漢制更置九品晉宋齊並因之梁因之
更置十八班班多為貴陳並因之後魏置九品品各置

從自四品以下每品分為上下凡三十階北齊並因之
後周制九命每命分為二以正為上凡十八命隋朝置
九品品各有從自四品以下每品分為上下凡三十階
自太師始焉謂之流內流內自此始焉煬帝除上下階
唯留正從各九品 又置視正二品至九品品各有從自
行臺尚書令始焉謂之視流內自此始焉

大唐自流內以上並因隋制又置視正五品視從七品
以署薩寶及祿正祿呼烟反謂之視流內又置勳品九品

自諸衛錄事及五省令史始焉謂之流外流外自此始其勲品自齊梁即有之

三品以上紫衣金魚袋五品以

上緋衣銀魚袋皆執象笏七品以上綠衣九品以上青

衣皆木笏光宅元年青衣為碧武后時改五品以上銀

魚袋中宗反正從舊初武后天冊中制文武官加階應

入五品者並須入仕歷十六考以上無私犯進階之時

見居六品官及七品官以上清官者其應入三品者取

入仕三十三考以上並無私犯進階之時凡居四品官

者自外蹤計階者應入仕並不在進階限如有奇才異
行別效殊功不拘此列

官制總序

伏羲氏以龍紀故為龍師名官

共工氏以水紀故為水師水名

神農氏以火紀故為火師火名

黃帝氏以雲紀故為雲師雲名

又晉志曰黃帝置三公

之秩以親黎元

少昊氏立鳳鳥適至故以鳥紀鳥師鳥名

顓帝不能紀遠乃紀於近為民師而命以民事又有五行之官

唐堯有義和之官

叔仲周禮正義以為即四岳內有百

揆四岳

四岳分主四方諸侯

外有州牧侯伯

虞舜有天下伯禹作司空宅百揆棄社稷播百穀契為司徒敷五教臯陶作士正五刑垂作共工利器用伯益作虞育草木鳥獸伯夷秩宗典三禮夔典樂教胄子和

神人龍作納言出納帝命蓋亦為六官以主天地四時也

夏后之制亦置六卿甘誓云召六卿是也其官名次猶承虞制禮記曰夏后氏官百天子有三公九卿二十七大夫八十一元士

商制天子建天官先六太

曰太宰太宗太史太祝太士

太卜典司六典五官

曰司徒司馬司空司士司寇

典司

五衆六府

曰司土司木司水司革司器司貨

典司六職

六工

曰土工金工石工木工獸工草工

典制六材五官

致貢曰享五官之長曰伯千里之內為王畿千里之外設方伯五國以為屬屬有長十國以為連連有帥三十國以為卒卒有正二百一十國以為州州有伯八州八伯五十六正百六十八帥三百三十六長八伯屬於天子之老二人分天下以為左右曰二伯

老謂上公並通

典伊尹曰三公調陰陽九卿通寒暑大夫知人事列士去其私成湯居亳初置二相以伊尹仲虺為之

晉志書

曰唐虞稽古建官惟百

後魏志云唐虞六十夏商倍之

周過三百是為大備

夏商官倍亦克用乂

周武列爵惟五分土惟三建官惟賢位事惟能成王董
正治官三百六十立太師太傅太保茲惟三公論道經
邦燮理陰陽官不必備惟其人少師少傅少保曰三孤貳
公弘化寅亮天地弼予一人冢宰掌邦治統百官均四
海司徒掌邦教敷五典擾兆民宗伯掌邦禮治神人和
上下司馬掌邦政統六師平邦國司寇掌邦禁詰奸慝

刑暴亂司空掌邦土居四民時地利六卿分職各率其屬以倡九牧阜成兆民

周禮天地四時之官謂之六卿

天官冢宰掌邦治地官司徒掌邦教春官宗伯掌邦禮夏官司馬掌邦政秋官司寇掌邦刑冬官司空掌邦事其屬三百六十者周天之數也蓋古人設官皆天之所為非人之所設詐可以私情參哉然攷之周禮六官六屬往往非止三百六十蓋其中有兼官也且鄉老二鄉則公一人是三公兼鄉老也一鄉則卿一人是六卿兼

鄉大夫也。軍將皆命卿，是六卿又兼六軍之將也。甚者太公以太師兼司盟之職，載在盟府。太師職之是也。以三公而兼太史之職，太史司寇，蘇公是也。吾夫子責管仲所以言官事不攝而罪其變先王之法也。三公三孤，周禮之職不詳。此周官所謂官不備而其職亦非羣有司所可並論也。周衰，諸侯去班爵之籍，人用私意僭，偏不常。晉以軍行具六卿，楚僭公號。莊三十年秦不師古，設爵級以勸武功，厥後罷侯置守，太尉主五

兵丞相總百揆又置御史大夫以貳於相先王舊典靡有子遺

漢承秦弊所當更新高帝無復古之志叔孫通苟趨時之便大抵多仍秦舊孟堅記漢置官本末周之遺制曾不多見而以秦官書者蓋總總也賈誼請更官名見沮絳灌孝武頗有增益太初以後浸以奢廣矣曰丞相

漢初或因軍功而加丞相者樊噲酈商或改丞相之名而

俾之征伐者韓信漢制常以列侯為相自公孫弘以

布衣數年登相位而後封平津侯 漢制丞相進見御
位即起在輿為下至公孫弘武帝始不冠見矣 漢制
選用人才皆由丞相高帝舉賢詔令詣國相白署行義
年武帝初衛綰秦罷賢良申韓蘇張或有薦人起家至
二千石自武帝重儒官朝夕在側薦進人物而選用之
權不在宰相嚴助薦朱買臣揚得意薦司馬相如 漢
制三公號無所不統周家家宰之屬分入於九卿官伯
則分入郎中令宮正則分入衛尉膳人酒人則分入少

府司會大府則入司農宮人內宰則入太長秋雖號統攝而不得專領其後九卿更進用事而丞相克位給事謁者為左右私人而丞相為外朝之官受遺歸霍光而朝事歸大將軍

初置一相孝惠高后置左右相文帝復

一相哀帝更名大司徒曰太尉文景或置或罷元狩中始置大司馬以冠大將軍之號蓋借古官名以為寵非有夏官之實故大司馬太尉不並置

太尉雖掌武而兵

不在焉高后時呂祿呂產實掌南北軍呂祿未解將軍

印雖太尉不得入北軍然當時非太尉則事不濟蓋職
尤能盡護諸將也武帝置大司馬以冠將軍所以寵衛
霍初未嘗及於政事至末年用霍光始兼領尚書事宜
帝之後加於外戚而漢禍慘矣雖然漢武帝用大司馬
領尚書而丞相固已無權矣然猶建空名於百官之上
霍光召議必以丞相為首元平之奏必先言丞相敞而
後至於大將軍光及哀帝用董賢為大司馬而司馬遂
居司徒之上 朱博傳曰武帝初年置大司馬冠大將

軍非有印綬官屬至成帝初年賜大司馬金印紫綬乃置官屬

曰御史大夫成帝更名大司空哀帝復為御史大夫後

又更為大司空

御史之名周官以中士下士為之特小

臣之傳命令者耳至於戰國其職益親故獻書多言獻書於大王御史而黽池之會各命御史書事秦任刀筆又自親事以操制臣下侍御僕從其勢益重遂與宰相分權而居三公之位漢興獨不可正名乎安有三公而

專治書史者乎然漢初御史實副宰相高后欲封諸呂
問右丞相陵左丞相平太尉勃而不及趙堯文帝錢穀
之間止及右丞相勃左丞相平而不及張蒼是以經歷
三世事權盡在宰相國體增重而御史大夫不敢萌出位
之思及景帝摧抑申屠嘉而晁錯以刻深用事故事多
決於錯謀削七國錯實主之丞相不與也調發兵食錯
實任之丞相不聞也馬闕之禁景紀獨書御史綰而不
及丞相陶青劉舍之徒齷齪無所建明其有以也漢

儀御史大夫見孝廉上計丞長史皆於官司馬門外又
宣帝詔御史察計簿然則受上計者御史職也秩中二
千石自成帝用何武建三公之言而後大司馬大司空
皆封列侯俸如丞相通典曰自此三公俱為宰相矣

九卿之職曰奉常

景德初更名太常主郊廟禮樂之事

博士亦其屬公孫弘對策太常奏居末第掌樂之官而
兼教育之任誠以樂者廣大樂易其感人也易以入故
也曰光祿勳武帝太初中更郎中令為光祿勳漢初

郎中令掌郎衛諸官如諫大夫議郎中郎皆得以議論拾遺左右而謁者僕射又得以執戟侍衛最為親近矣謁者中郎將之得却慎夫人座皆其親近之至也及武帝游後庭用中人為謁者尚書而諸郎不帶加官不得入內而後郎中令之官稍踈人主罕與正人接而中人已親頗用權矣

曰衛尉

景德初更名中大夫今後復

為衛尉掌宮中微處事其職兵衛者乎

曰太僕

掌輿

馬 **曰廷尉**

景帝中六年更名大理武帝建元復為廷

尉哀帝復為大理掌平獄奏當所應凡郡縣獄疑罪皆處當以報武帝以下置中都官獄郡十六所凡意所欲附致者皆不下廷尉以史考之昭平君繫獄內官灌夫繫獄居室復劾繫都司空李陵言老母繫保宮劉輔繫掖廷王商繫若盧詔獄張湯治他因導官典客有司火獄水衡有上林獄中尉有寺互都船獄至若北軍別有主上章者獄蠶室腐刑獄暴室宮人獄又皇孫生郡即獄辛慶忌徒共工獄其所可見大畧如此

曰大鴻臚

景帝中六年更名大行令武帝太初元年更名大鴻臚
郎秦典客職也掌諸侯歸義蠻夷等國

曰宗正

掌親

屬平帝更名宗伯

曰大司農

景帝更名大農令武帝

太初元年更名大司農即秦治粟內史也掌穀貨自太

倉至籍田令丞屬焉

曰少府

掌山海池澤之稅以給

共養漢氏之制天下公用仰大司農而乘輿供養悉出
少府不以民力共浮費別公私示正路也然至於公用
缺乏往往資之少府故賈捐之命用兵之費曰大司農

錢盡乃以少府禁錢續之是也其屬有尚書令丞中書
謁者令丞黃門令丞尚書中書黃門此後世之所謂三
省者皆出於少府之屬初秦置尚書於禁中有令丞通
章奏而已漢武已後其任甚重及光武親攬吏職天下
事皆上尚書與人主參決乃下三府尚書令遂為端揆
之官矣晉百官志曰武帝游宴後庭始用宦者主中書
元帝以弘恭為令石顯為僕射秉權用事而蕭望之以
為中書政本宜以賢明之選更置士人黃門奏官也掌

侍從左右三者皆親近人主故卒為三省 少府掌刑
威而猶屬丞相御史此其制之善也自光武以山海鹽
鐵歸郡縣官中私用付之外有司章帝以後始別立監
以奄人領之大臣不得預矣皆中二千石 其外有中

尉掌徵循京師武帝太初元年更名執金吾 秩雖中二

千石後漢至九卿皆云卿一人至中尉獨不言卿則不
預九卿之列明矣漢世凡中二千石多稱卿 王尊傳如
淳注曰三輔皆秩中二千石故亦稱卿

上公則太傅

高后置後省哀帝復之至

平帝置太師位

太傅上太保次太傅

王陵忤旨孔江懼罪而師傅之重

迄漢世為右遷之地

有特進

漢制特進位三公下漢

儀特進后父兄為之或以處前宰相

有將軍

漢初將

兵稱將軍兵罷不置呂后以呂祿為上將軍居北軍非

漢制也文帝拜宋昌為衛將軍薄昭為車騎將軍始有

定職武帝拜衛青大將軍而大將軍始有定職其後霍

去病為驃騎將軍上官桀為左將軍昭帝用馮奉世為

右將軍始有驃騎左右之職趙克國為後將軍韓增為前將軍始有前後將軍之職其他將軍因出征伐名號不一事已或置或否獨大將軍驃騎衛將軍左右前後將軍終漢世不更置

太子則有太傅少傅詹事

庶子

洗馬舍人家令皆其屬也

皇后則有詹事

長信詹事

是也景帝更為長信少府復更為長樂少府

有將行

景帝更名大長秋或用中人或用士人應劭曰皇后卿也後志曰掌宣中宮命

列卿又有將作少府

掌治宮室景帝更名將作大匠

典屬國

掌蠻夷降者

水衡都尉

武帝置掌上林苑應劭曰水衡少府皆天子

秘藏元帝時水衡錢三十五萬是也

大抵漢世公有

三等太師太傅太保為三公丞相太尉御史大夫為三

公

漢制三公號萬石

大將軍驃騎車騎將軍為比公

卿有三等前後左右將軍為上卿太常至少府凡九稱

正卿執金吾太子太傅將作少府詹事大長秋水衡都尉

三輔為陪鄉三輔則京兆左馮翊右扶風

舊內史也掌

治京師景帝分置左右內史武帝更名京兆尹左內史

則更為左馮翊若夫右扶風之職則主爵中尉也景帝

更名都尉武帝初年更為右扶風治內史右地與左馮

翊京兆為三輔周之六卿

六卿分治秦以內史治畿內

漢初因之雖失六卿分治之意然內史猶廷臣也至分

三輔其去大郡無幾判然與朝廷二體矣

尉有護軍都尉陳平為護軍中尉

武帝時屬大司馬司

隸校尉

周官司隸屬秋官武帝征和四年初置持節從

中都官捕巫蠱督大姦猾察三輔三河弘農元帝去節

武帝省綏和二年哀帝復置但為司隸城門校尉環濟

要畧云漢高帝初置城門校尉從緹騎一百二十人八

校尉中壘屯騎步兵越騎長水胡騎射聲虎賁八校尉

皆武帝初置漢表之言也刑法志則曰內增七校晉灼

曰胡騎不常置故曰七故耳西域戍已烏桓護羌亦有

校尉奉車都尉

掌御乘輿

駙馬都尉騎都尉此通典

所謂三都尉皆武帝增置非漢定制也

加官則有侍中左右曹諸吏散騎中常侍所加或列侯將軍卿大夫將都尉尚書太醫太官令至郎中亡負多至數十人給事中亦加官所加或諫大夫博士議郎掌顧問應對位次中常侍中黃門則有給事黃門通典以

加官為漢制百官表加官一章其末總云皆秦制則出於秦無疑也但漢因秦制而廣之官名或有損益耳世儒又疑其始於武帝非也特加官用事自武帝始耳以

史考之張辟疆惠帝時為侍中賈山至言曰今陛下舉
方正之士使為常侍諸吏則加官漢初固有也特是時
事權在公卿加官未居中用事至武帝時而加官之權
始重耳漢世九卿皆可領加官獨二府不得兼然魏相
以御史大夫兼給事中以為分霍光權設非定制也或
者以奉車都尉駙馬都尉亦為加官非也荀氏漢紀杜
佑通典並不列於加官即此可考此列職於內之大畧
也

外封諸侯漢郡八九十形錯其間郡置守

景帝更名太

守有丞有長史司馬

又有郡尉

將兵大郡或兩尉景帝

更名為郡尉縣置令長

又有三老

掌教化新城三老建

縞素之議壹闕三老上書言戾太子之事三老乘輿上

言明王尊之罪國家之大事朝廷之得失三老皆得言

之孝弟力田文帝十二年置三老孝弟力田常員有秩

其嗇夫游徼亭有長

主捕盜賊

里有正秦以御史分別

州漢省特丞相遣使耳

武帝始置十三部刺史

秩六百

石外同隸一部則三河三輔弘農是也漢制守二千石令千石至六百石今刺史才六百石耳其秩卑矣六條問事一條豪右五條皆謂二千石不法秩卑則其人激昂以自奮假之重權則得行其志此良法也成帝更為牧秩二千石闕有都尉農有都尉屬國則有都尉皆武帝始置此設官於外之大凡也

其或因事遣使循行天

下也

或遣光祿武大夫存問耆老或遣博士存問鰥寡

或遣丞相御史行椽天下或遣謁者賜三老帛或遣博

士錄寃獄振流民或遣中大夫持節救東甌或遣諫大夫祀金馬碧難此以輔臣而兼奉使者綉衣直指之使雖武帝之所置然其官屬侍御史又哀帝時漢令反見大夫無可使則召蓋屋令尹逢為諫大夫遣之或奉使借官武帝遣移守監蘇武以中郎將持節使匈奴至昭帝時武還漢紀書移中監蘇武使匈奴還拜大屬國然則武以中郎使乃借官耳此則奉使借官之所從始也

漢制序遷之法丞相缺則御史大夫為之御史大夫

缺則九卿為之九卿缺則郡守刺史為之武帝則不然丞相石慶卒則御史大夫兒寬當遷而不遷也太僕公孫賀乃得之丞相公孫弘卒御史大夫商丘成當遷而不遷也太僕田千秋乃得之公孫宏相御史大夫缺九卿當進者多矣而河東太守番繫得之石慶相御史大夫缺九卿當遷者多矣而齊相卜式得之不特此也衛青自侍中遷太中大夫自太中大夫遷車騎將軍自車騎遷大將軍大將軍漢三公官也由侍中三遷而得之武

帝但欲權自己出故取卑賤而加之尊顯進不由階序
畧無所顧 漢制有故官皆守舊階不食全俸滿歲為
真不稱者還故官 韓延壽守左馮翊趙廣漢守京兆尹

翁歸守右扶風張敞守太原太守皆滿歲為真守官之
制莫知其由始按表武帝征和三年始有光祿大夫公
孫遺守少府此序舊階之證也意武帝始乎漢制官卑
職重者稱守是殆武帝驟官左右才智之士故用守以
處資淺之人耳然朝廷用新進而無老成此武帝之世

所以益多事也

漢世官吏率多久任唯邊吏三歲一

更均勞逸

段會宗傳曰竟寧中為西域都護三歲更盡

還拜沛郡守後王嘉言孝文時居官或長子孫以官為氏又朱博傳故事刺史居部九歲為守相夏侯嬰自高祖時為太僕至文帝時猶以太僕清宮汲黯居淮陽十歲張敞居京兆九歲于定國為廷尉十八年

百官有

洗沐之制

石建傳載每五日洗沐歸謁親

有予告賜

告之法

病滿三月當免天子優賜其告曰賜告予告者

在官有三最法所當得者

以罪去者或曰免或歸家

或為庶人

漢制雖丞相罷免大者自裁小免爵邑其尤

輕者就第及列侯就國與奉朝請其後召用但為光祿大夫或特進優游散秩未嘗除他官御史大夫則聞為九卿將軍至東漢崔烈免乃為城門校尉體貌之禮衰矣

王國

傅相御史百官皆如朝廷國家惟為置丞相其御

史大夫以下皆自置之至景帝時吳楚七國恃其國大

遂以作亂幾危漢室景帝懲之遂令諸王不得治民令
內史主治民改丞相曰相省御史大夫廷尉少府宗正
博士官改漢內史中尉郎中令之名而王國如故員職
皆朝廷除不得自置至漢成帝省內史治民更令相治
民矣

關內侯

關內侯無土寄食在所縣民租稅多少各有戶
數爲限列侯則出關就國關內侯有號而無邑其加異
者往往與之關外之邑食其租稅自呂后時關內侯始

有食邑

光武中興務從節約并省官職固所以懲孝武奢廣之事三公之屬則省九卿之屬則又省朝廷之官則省郡國之官則又省而唯司隸校尉一官獨無所省尚書之員反增其二帝意固可想見矣抑不思漢初之制宰輔重於朝九卿率其屬名城封於宗都尉播於郡國其綱維固善而詎可以冗官視之蓋武帝之舊可變而高帝之法未可輕變也東都無丞相太尉御史大夫而大司

徒大司馬大司空實因西漢之未制也建武中復去大改司馬為太尉官居司徒司空上王梁以讖文用韓歆以直諫死責以吏事而政歸臺閣司徒鄧禹居外而尚書伏湛攝行之蓋光武之視三公也輕則其用之也易去之也不難在內則不過以吏事責之雖在外亦何所不可統體不正其後益舛錄尚書之官建而三公為虛名矣

光武以吏事責三公猶預事自明帝有錄尚書之

制而三公始不預事矣宋弘為司空欲舉侍中以法則

三公猶得劾近臣也桓帝時楊秉劾侯覽尚書乃詰其
越秦法則三公不得劾近臣矣選舉委三府尚書受奏
御則三府尤得以辟舉也靈帝時呂彊冒選舉但任尚
書則三公不預選事矣不特此也灾異策免所以責之
者益竒自徐防始就外除拜而所以畀之者益輕自張
溫始前漢丞相屬有長史得舉劾有司直得舉不法光
武中興省司直之官所以奪三公之權也漢中興相罷
免無復為九卿者東漢王梁以識文用自野王令拜為

大司空俄而違命光武將斬之赦以為中郎將是以終漢之世去三公而復為九卿者不可勝數體貌之禮為如何哉明帝用東平王蒼為車騎將軍而三公屈居將軍之下有矣

九卿之制因循西京而併省其屬者多矣 太常則省十官而太卜又并於太史博士隸於太常而僕射之號非博士所當稱轉而名之曰祭酒善矣

光祿勳則省車戶騎三將而羽林令亦省焉

光祿勳之

五官將至羽林右監以職屬者凡士自奉車都尉至謁者則又屬焉度田覈實監護軍旅黎陽領兵皆遣謁者而左右近臣重矣 三署郎漢制乃執戟侍從天子應對贊導之官光武於少府多置黃門官者以為親近人主之官而三署郎乃不必儒士只令執戟郎官之署盡是諸黃門之屬耳唯議郎用儒生掌顧問又不與宿直分郎作兩科此最後漢之亂制也

衛尉省旅賁令衛士一人而丞亦在所省 已上三卿志

以為屬太尉部

太僕省五廐及牧師苑令廷尉省二十六獄

唯洛陽廷

尉有詔獄

鴻臚省譯官別火三令丞及郡邸長丞

已上二卿屬司

徒部

宗正省都司空令臣司農則鹽鐵官屬郡縣而均輸等皆省少府一官省五丞又省場官織室令署丞又省上林等三令二十一丞唯尚書增二人為六曹章和以下

中官稍加廣矣自太監以上四官職屬火府自侍中至御史皆以文屬光武躬親政事而左右近臣往往因時用事增尚書之官所以廣其職也不用令史而用孝廉所以重其選也侍中尚書黃門諸官不以職屬所以成左右之勢也閹人典尚書雖曩有用族姓之制其用則不暇恤矣甚者羽林宿衛亦中官掌之封侯襲爵至於為將軍末流無所不至也源流一失其勢固至此哉漢分司農少府固不若古制之義然猶屬丞相御史也自

光武以山海鹽鐵歸郡縣官宮中私用付之外有司章
帝以後於是別立監以閹人領之而外司不得預其弊
至於桓靈之君歎天子之無藏開西北以賣官後園為
私庫而專於宦者矣已上三司屬司空部 志以為東

都一公統三卿意非不美然不任三公而事歸臺閣何
統之有上公則省太保而唯置太傅以卓茂鄧禹為之
太師不常置漢末唯董卓為之將軍之官中興吳漢為
大將軍景丹為驃騎大將軍位在三公下及前後左右

雜號將軍多皆主征伐事訖皆罷 自明帝以東平王
蒼為驃騎將軍以王位在公上章帝時西羌反以舅馬
防為車騎將軍外戚將軍始此也 後實憲亦為車騎將

軍征匈奴鄧騭亦然

又其後也桓帝藉單超而去梁

冀而宦者亦得為將軍矣列卿之職執金吾 即中尉之

屬省式道中候二人又省中壘寺互都船令丞尉及左
右京輔都尉大長秋先漢或用中人或用士人中興常
用宦者其屬不省將作大匠光武中元二年省常以謁

者領之而章帝始復水衡則併於少府省其屬二十餘

人唯司隸校尉一官此本志言也然光武行司隸校尉

事見漢官威儀自成帝既省而光武復置且并領一

州官屬無省也帝以明察之意總攬權綱故勅奏刺史

之官其權特重而違舉抗直有風力者為之正所以裁

折貴戚也觀帝誅戮諸王賓客之意與欽手以避二鮑

之意正所以寬當時之豪貴也終漢之世司隸有專終

之威北軍中候監五營兵即中壘也中興省中壘但置

中候胡騎并於長水虎賁并於射聲所統者越騎步兵
長水射聲即武帝之八校也諸王建國無復西都之舊
此則劉昭所謂光武十子並列畿外近郡孝明八國不
能開庇遠民國近則不可以大不大則不足為強此所
以本支之援終以少固也又光武時誅諸王賓客外則
併省郡縣四百餘所罷諸郡都尉併職太守無復都試
之法舊制部刺史考諸郡殿最歲盡詣京師奏計中興
但因計吏此乃一路之權盡歸刺史故又奪之耳闕都

尉屬國都尉皆省安帝以後以羌犯三輔乃復置右扶風京兆都尉也

三國鼎峙大抵漢舊

魏置三公不預朝政但朝朔望而已矣災異不勅三公亦自魏始吳蜀初置相其後蜀有

錄尚書

魏文帝時置中書監令並掌機密自是中書多為樞機之任其後或置丞相或相國或司徒而中書監令常掌機要多為宰相之任於是權在中書外則防察諸王建

設空名寄地而無實而又設監國之官以伺察之晉承
魏祚首建八公大封宗室置十九州而刺史不領兵宋
渡江以來王曇首王華殷景仁之徒皆以侍中總門下
樞要密侍帷幄為國謀主於是權在門下

宋齊有三臺五省

三臺兩漢舊名五省即尚書中書門

下秘書集書

梁武定諸卿之位分配四時置戎秩之官百有餘號其
他多緣齊舊

陳氏褊小唯循舊制

魏起自朔野分部以置大人凡厥官名多雜夷禮

會要

云又倣上古龍官鳥官之名謂諸曹之使為鳧雁白鷺

之類道武平并州始建臺省置百官封公侯將軍刺史

大守尚書皆用文人孝文時王肅來奔為制官品百司

位號皆準南朝魏分為二而高齊名遵後魏臺省之職

多類江東門下省掌獻納諫正中書省管司王言秘書

省典司經籍集書省掌從容諫議中常侍省掌出入門

閣御史臺察糾彈劾

宇文周始用蘇綽依周更定六

官自餘百官皆倣周禮其他將雖都督刺史之類則依

秦漢

隋初廢周制唯以中書為內史侍中為納言自餘應庶僚頗有增益大業三年始行新令有

三臺

謂者司隸御史

五省

殿內尚書門下內史秘書

五監

少府長秋國子將作都水

十二衛

翊 驍 武 屯 禦 候 六 衛 皆 有 左 右

十六府

左 右 備 身 左 右 監 門 等 凡 十 六 府 也

羣書考索後集卷一

欽定四庫全書

羣書考索後集卷二

宋 章如愚 編

官制門

總序類

唐太宗正觀中大省內外官定制七百三十員曰吾以此待天下賢材足矣然是時已有員外置

唐志通典云

貞觀六年大省內外凡文武定員六百四十有三而已

高宗龍朔二年又改京師百官之名咸亨元年復至於
武后再易庶官或從宜創號或參用古典天授二年凡
舉人無賢不肖咸加擢拜大置試官以處之試官蓋始
於此試者未為正命神龍初復舊號又置員外官二千
餘人於是遂有員外特制自永徽六年以蔡考璋為尚

書員外特置同正員外自是員外有同正者檢校試攝

判知之官迨乎景龍官紀太紊復有斜封三無坐處之

誦興焉謂宰相御史及員外官也

元宗懲其弊開元二十五年刊定職次著為令格自後
又有置使之名軍功之官遂不勝其濫矣 嘗攷唐之

官制大抵沿隋官司之別曰省臺寺監衛府東宮王府
為京兆職事官州縣鎮戍為外職事官自開府至將仕
郎二十八階為文散官自驃騎至陪戎三十一階為武
散官上柱國至武騎尉十二等為勳官

通典唐志唐鑑

三師太師太傅太保論道之官也

隋因後魏置煬帝廢

貞觀十一年復置近代多以為贈官親王拜者但存其

名耳

三公太尉

因隋置武德初秦王蒞之永徽中長孫無忌為之其後親王拜者皆不親事祭祀則攝者行之

司

徒

隋廢宰相而置唐因之

司空

三公各一人古者三

公論道經邦不以一職名太尉掌武乃司馬職也司徒主民司空主土皆六卿之任也以是為三公則名已不正其後親王拜者僅存其名則任益輕

六省尚書省尚書令一人掌領百官龍朔二年改曰中

臺廢尚書令尚書曰太常伯侍郎曰少常伯咸亨復光
宅元年改曰文昌臺俄曰文昌都省垂拱元年曰都臺
長安三年曰中臺神龍復

其屬有六尚書

吏部尚書

掌文官選舉龍朔改司列太常伯咸亨復光

宅改天官神龍復天寶改吏部至德復

侍郎二人其

屬有四 吏部郎中二人

一人掌文官階品一人掌選

補龍朔改司列大夫咸亨復

司封郎中一人

掌邦之

封爵凡九等武德為主爵龍朔改司封大夫開元復

司勳郎中一人

掌管人之勳級凡十等龍朔改司勳大

夫咸亨復

考功郎中一人

掌攷官吏功過龍朔改司

績大夫咸亨復

戶部尚書

掌天下土地人民貢賦之政初因隋為民部

貞觀改戶部顯慶改度支龍朔改司元太常伯咸亨復

光宅改地官神龍復

侍郎二人其屬有四

戶部郎

中二人

掌戶口田賦龍朔改司計大夫後復度支郎中

一人掌歲計而支調之龍朔改司度大夫咸亨復

金

部郎中

掌庫藏出納龍朔改司珍大夫咸亨復

倉部

郎中

掌倉廩龍朔改司庾大夫咸亨復

禮部尚書

掌禮儀祭享貢奉之政龍朔改司禮太常伯

咸亨復光宅改春官神龍復

侍郎一人其屬有四

禮部郎中一人

掌禮樂學校龍朔改司禮大夫咸亨復

祠部郎中一人

掌祠祀享祭龍朔改司禋大夫咸亨

復

膳部郎中一人

掌酒膳龍朔改司膳大夫咸亨復

主客郎中一人

掌朝見龍朔改司藩大夫咸亨復

兵部尚書

掌武選車馬龍朔改司戎太常伯咸亨復光

宅改為夏官神龍復

侍郎二人其屬有四 兵部郎

中一人

一掌武官階品一掌軍戎調遣名數龍朔改司

戎大夫咸亨復

職方郎中一人

掌地圖龍朔改司城

大夫咸亨復

駕部郎中

掌車輿龍朔改司輿大夫咸

亨復

庫部郎中

掌戎器函簿龍朔改司庫大夫咸亨

復

刑部尚書

掌律令刑法初曰都官隋改刑部龍朔改司

刑太常伯咸亨復光宅改秋官神龍復

侍郎一人其

屬有四 刑部郎中一人

掌律法奏讞龍朔改司刑大

夫咸亨復

都官郎中

掌簿錄龍朔改司僕大夫咸亨

復

比部郎中

掌勾會賦斂龍朔改司計大夫咸亨復

司門郎中

掌門籍龍朔改司門大夫咸亨復

工部尚書

掌山澤屯田工匠之事龍朔改司平太常伯

光宅改冬官神龍復

侍郎一人其屬有四

工部郎

中一人

掌土木工程役龍朔改司平大夫咸亨復

屯田

郎中

掌屯田龍朔改司田大夫咸亨復

虞部郎中

掌

苑園山澤龍朔改司虞大夫咸亨復

水部郎中

掌津

濟溝洫之事龍朔改司川大夫咸亨復

六部皆屬尚書令左右僕射為之貳又有左右丞各一人吏部戶部禮部左丞總焉兵部刑部工部右丞總焉既有三公又有六省是政出於二也尚書六部止三省之一也而光宅中遂以擬周之六卿亦過也唐有左右僕射又有侍中二尚書二令左右丞相以官未及而

人可用者奉預朝政而其大綱俾中書出令門下審駁
分為二省尚書受成頒之有司上下相聯甚善也然皆
秦漢所輕之官自魏晉以來反為重任而唐因之其立
制之始名已不正民部掌度支可也而或領於僕射吏
部掌銓曹可也而或攝之中書況其他乎遂有以禮樂
掌禮樂之官而掌吏部之十銓者有之如蘇頲是也自
後百官益無職掌故陸長源上宰相書曰兵部無戎帳
戶部無版圖虞衡不管山川金倉不司錢穀傷其置諸

散地有虛其職也太宗較細務屬左右丞大事關僕射當矣然其用人未免用術以李勣之高勳位尚書領中書門下事寵已至矣使輔太子敢不盡力乎何至無故譴逐使太子他日授以僕射以勣之忠又無故黜之不無怏怏太子雖授以僕射勣豈不曉其以利誘耶至廢立皇后之際不肯盡忠雖勣無大臣節而亦太宗以利啟其心也

門下省侍中二人掌出納帝命相禮儀凡國家之務與

中書令參總而專判省事龍朔二年改曰東臺左相武
后光宅元年改曰納言垂拱元年改曰鸞臺開元元
改曰黃門監五年復天寶元年曰左相咸亨復光宅改
鸞臺納言神龍復開元改黃門監五年復黃門侍郎
二人掌貳侍中之職龍朔改東臺侍郎垂拱改鸞臺侍
郎天寶改門下侍郎乾元復左散騎常侍一人掌規
諷過失侍從顧問隋廢散騎常侍武德散騎常侍加官
貞觀置二員十七年為職事官顯慶二年分左右隸門

下省皆金蟬珥貂左散騎與侍中為左貂右散騎與中書令為右貂謂之八貂龍朔二年曰侍極 左諫議大夫四人掌諫諭得失侍從贊相隋二人唐四人武德元年置諫議大夫龍朔二年曰正諫大夫貞元四年分左右神龍復 給事中四人掌侍左右分判省事隋置二十人煬帝減置四人唐武德三年名曰給事中龍朔改東臺舍人 左補闕六人掌供奉諷諫垂拱立四員左右各二天授各加三員通十員神龍復各置二人 左

拾遺

六人

掌供奉諷諫大事廷議小則上封事

起居

郎

二人

掌錄天子起居法度初因隋置舍人貞觀省之

移於門下置起居郎顯慶又置舍人與郎分掌左右正
觀初以給事中諫議大夫兼知起居注或知起居事每
仗下議政事起居郎一人執筆記錄於前史官隨之其
後復置起居舍人分侍左右秉筆隨宰相入殿若仗在
紫宸內閣則夾香案分立殿下直第二螭首和墨濡筆
皆即坳處時號螭頭龍朔天授改左史咸亨神龍復

典儀二人掌贊唱隨謁者臺有典儀武德五年復置隸

門下省城門郎四人掌京城皇城宮殿門開闔之節

隨門下省統城門局煬帝改隸殿中省後隸門下省唐

因之符寶郎掌天子八寶及國之符節初置符寶郎

天后改符璽開元復弘文館學士掌詳正圖籍教授

生徒參議朝廷制度武德置修文館又改弘文神龍改

昭文開元洪文隸門下省自武德貞觀以來皆簡賢良

為學士五品以上稱學士又有文學直館並無員數皆

以他官兼之儀鳳以圖籍多未詳正委學士校理自垂拱
多大臣兼領館中有四部書給事中判館事 校書郎
掌校理典籍刊正錯謬開元改置四人後減二人 大
臣議事使諫官史官隨之或糾其非或書其過則大臣
安敢不直議疏賤言事者令司門引奏置立仗馬以備
之則天下之情無不達 諫議大夫之職太宗以王珪
魏徵之流為之可謂得人矣然顯慶中召孫思邈拜諫
議大夫乃固辭稱疾而還山史臣謂才不足當世取舍

故逃而不反是不然太宗之時天下之士填然躍而附之獨一思邈以遺逸召至而不能屈使天下知如太宗之君亦有不得而臣者其守吾道不亦重乎其助太宗不亦多乎 太宗置文學館召儒雅十八人為學士討古今論成敗其意美矣究其本為隱巢之謀而時取智計之士十八人者大抵皆君子惟許敬宗一小人廁其間蓋心術不正小人得以乘間而入也易曰開國承家小人勿用以亂邦也貞觀之治衆君子扶之而不足武

氏之惡一敬宗濟之而有餘亂邦之言信哉

中書省中書令二人掌佐天子執大政而總判省事武
德三年為內史又改中書龍朔元年改省為西臺令二
年為右相咸亨復光宅元年改省為鳳閣令為內史神
龍復開元元年改紫微令後復天寶元年曰右相大曆
五年紫微侍郎乃復為中書侍郎 侍郎掌二令之職

初為內史後隨省改

中書舍人 六人 掌侍進奏參表

章 武德置

右散騎常侍 一人 右補闕 六人 右拾遺 六人

人掌如門下省

左同

通事舍人

十六人

掌朝見引納

殿庭通奏

武德四年廢謁者臺故通事謁者曰通事舍

人集賢殿書院學士侍讀學士脩撰官掌刊輯經籍

開元五年乾元殿為四部書置乾元院使六年更號麗
正修書院置使及檢討官改修書官為麗正殿直學士
八年加文學直又加修撰校理刊正校勘官十一年置
麗正殿修書學士十三年改為集賢殿書院五品以上
為學士六品以下為直學士宰相一人為學士知院事

常侍一人為副知院事又置判院一人押院中使一人以張說為大學士知院事玄宗又置集賢院侍講學士侍讀直學士又增修撰官校理官待制官留院官知檢討官文學直之員至德二年置大學士貞元初置編錄官四年罷大學士八年罷校理置校書正字元和二年復置集賢校理罷校書正字四年集賢御書院學士直學士皆用五品如開元故事以學士一人年高者為判院事非登朝者為校理餘皆罷校書四人史館修

撰四人掌修國史貞觀三年置史館於門下省以他官兼領或卑位有才者亦以直館稱以宰相蒞修撰開元二十年李林甫以宰相監修國史建議以為中書切密之地史官記事隸門下省踈遠於是諫議大夫史館修撰尹愔奏徙於中書省天寶後地官兼職者曰史館修撰初入為直館元和六年宰相裴均建議登朝官領史職者為修撰以年高者判館事未登朝者皆為直館大中八年廢史館直館二員增修撰四人 史館直筆之

任也貞觀以他官兼領職掌已不專矣又以宰相莅修撰則秉筆者能無顧忌之心乎開元李林甫以宰相監修則國惡往往諱而不書矣豈非太宗啟其端而流弊至此歟

祕書省監一人少監二人丞一人監掌經籍圖書之事
領著作局少監為之二龍朔二年改為蘭臺太史少監
曰侍郎丞曰大夫祕書郎曰蘭臺郎武后垂拱改為麟臺
太極元年復 祕書郎三人掌四部圖籍 校書郎

十人正字四人掌讎校典籍刊正文章 有二局著作

局郎二人著作佐郎二人校書郎二人正字二人著作

郎掌撰碑誌祝文祭文與佐郎分判局事 武德四年改

著作曹曰局龍朔三年改曰司文局郎為郎中佐為司

文郎著作佐郎本四人開元初減二人 司天臺監一

人少監二人丞一人主簿二人主事二人掌察天文稽

歷數凡日月星辰風雲氣色之異率其屬而占有遁玄

院以藝學召至京師者居之凡天文圖書器物非其任

不得與焉每季錄祥書送門下中書省紀於起居注歲終上送史館歲頒歷於天下武德四年改太史監曰太史局隸祕書省七年廢監候龍朔二年改太史局曰祕書閣令局令曰祕書閣郎中武后光宅改太史局為渾天監不屬麟臺俄改為渾儀監置副監及丞主簿改司辰師曰司辰長安二年復為太史局廢副監及丞隸麟臺如故景雲元年又為局隸祕書省踰月為監歲中復為局二年改為渾儀監開元二年復為太史監十四年

太史監復為局以監為令而廢少監天寶元年太史局復為監自是不隸祕書省乾元元年太史局復為司天臺祕書文學之任也唐初用孔穎達顏師古之流為之夫以穎達之通五經師古之博學善屬文居是職也若無愧矣然而師古之為祕書少監也乃引後生相與校讎且先貴勢雖商賈富室亦竄選中得無憾乎其後陸長源曰祕書不校勘著作不修撰蓋至此遂為虛職矣太史星曆之流也乃隸於祕書何哉蓋通天地人正

吾儒之事也 又有春官夏官秋官冬官中官正各一人掌四時各司其方之變異 五官保章正二人監候三人五官司歷二人掌歷法五官靈臺郎各一人掌候天文五官挈壺正二人司辰八人漏刻博士六人掌知漏刻

武后長安二年置挈壺正乾元元年與靈臺郎保

章正司歷皆加五官之名

殿中省監一人少監二人丞二人掌天子服御之事少監為之二又有進馬五人掌大陳設

龍朔二年曰中御

府監曰大監舊有天藏府開元二十三年省其屬有六

局

尚食尚藥尚衣尚舍尚乘尚輦

尚食局奉御二人直長五人食醫八人奉御長儲供

直長為之貳進御必辨時禁先嘗之龍朔二年改奉

膳局諸局奉御皆曰大夫

尚藥局奉御二人直長

二人掌和御藥診視龍朔三年改奉御局又有侍御

鑿四人司醫五人

尚衣局奉御二人直長四人掌

供冕服几案奉圭

龍朔二年改奉冕局

尚舍局奉

御二人直長六人掌殿亭祭祀張設湯沐燈燭汛掃

龍朔二年初改奉衣局

尚乘局奉御二人直長十

人掌內外閑廐之馬

龍朔二年改奉駕局又有司廩

司庫

尚輦局奉御二人直長三人尚輦二人掌輿

輦繖扇

龍朔二年改奉輿局

內侍省監二人少監二人內侍四人監掌內侍奉宣制

令少監內侍為之貳

武德四年改為內侍監內承奉曰

內常侍內承直曰內給事龍朔二年改監為省武后垂

拱元年曰司宮臺天寶十三年置內侍監改內侍曰少

監尋更置內侍

內常侍六人通判省事 內給事十

人掌承旨勞問分刑省事 內謁者監十人掌儀法宣

奏承敕令 內謁者十二人掌諸親命婦朝集班位分

莅諸門 內寺伯六人掌糾察宮內不法 寺人六人

掌皇后出入 其屬有六局 掖庭宮闈奚官內僕內府

內坊

掖庭局令二人丞三人掌宮人簿帳女工 掌教博

士一人掌教習監作四人掌監涖雜作 宮闈局令

二人丞二人掌侍宮闈出入管籥 奚官局令二人

丞二人掌奚隸工役宮官之品 內僕局令二人丞

二人掌中宮車乘 內府局令二人丞二人掌中藏

寶貨給納之數 太子內坊局令二人丞二人掌東

宮閣內及官人糧廩坊事 五人有典直四人下有內

官等尚官局並尚儀局尚服局尚食局尚寢局等官

並隸于此後古者內宰之職總于冢宰令內侍並列

於六省北司不隸於南牙母乃散而無統乎 隋令
丞並用士人為之掖庭宮闈奚官三職亦參用士人
焉此隋制之善也唐因隋置內侍而止令供奔走將
命之役其內侍又不置三品蓋所以防患也自玄宗
用高力士而此制已壞自時厥後或預朝政或典禁
兵其有殊勲者則拜大將軍仍兼內侍焉是以終唐
之世有宦官之禍使悉用士人詎至此哉

御史臺大夫一人中丞二人掌以刑法典章糾正百官

之罪惡中丞為之貳

高宗改治書侍御史中丞以避帝

名龍朔二年改為憲臺大夫曰大司憲中丞曰司憲大夫武后文明元年改肅政臺光宅元年分左右臺左臺知百司監軍旅右臺察州縣省風俗尋命兩臺兼察州縣兩臺御史有假有檢校有員外有丞至神龍初皆廢景雲三年廢右臺延和元年復置歲中以尚書省隸左臺月餘而右臺復廢會昌初升大夫中丞品東都留臺中丞二人侍御史一人殿中府御史二人監察御史三

人元和以後不置中丞以侍御史殿中侍御史監察御史主留臺務而三院御史亦不常備

其屬有三院

一曰臺院侍御史隸焉六人掌糾舉百僚及入閣承詔知推彈雜事

隋未廢殿內侍御史義寧元年丞相府置

察非掾二人武德元年改曰殿中侍御史龍朔元年置

監察御史裏行文明元年置殿中裏行後亦專以裏行

名官長安二年置內供奉

主簿一人掌印受事 二

曰殿院殿中侍御史隸焉九人掌殿庭供奉之儀京畿

諸州兵皆隸焉 三曰察院監察御史隸焉十五人掌
分察百僚巡按州縣獄訟軍戎祭祀營作大府出納皆
莅焉

寺有九太常寺卿一人掌禮樂郊廟社稷之事總郊社
大樂鼓吹太醫太卜廩犧諸祠廟署少卿為之貳 初有
衣冠署令貞觀元年廢高宗即位改治禮郎曰奉禮郎
以避帝名龍朔二年改為奉常寺九寺卿皆曰正卿少
卿曰大夫武后光宅元年復改為司禮寺

丞二人掌判寺事博士四人掌辨五禮太祝六人掌
出納神主奉禮郎二人掌君臣版位以奉朝會祭祀
之禮協律郎二人掌和律呂 兩京郊社署令各一
人掌五郊社稷明堂之禮與奉禮郎設樽罍篚幕

太樂署令二人丞一人樂正八人掌調鍾律以供祭
饗 鼓吹署令二人丞二人樂正四人掌鼓吹之節

太醫署令二人丞三人醫監四人醫正八人掌醫
療之法其屬有四醫師針師按摩師呪禁師 醫博

士一人助教二人掌教授諸生以本草甲乙脉經分
而為業 針博士一人助教一人針師十人掌教針
生 按摩博士一人按摩師四人掌教道引之法
呪禁博士一人掌呪禁祓除為厲者 太卜署令一
人丞二人卜正博士各二人掌卜筮之法 廩犧署
令一人丞二人掌犧牲粢盛 汾祠署令一人丞一
人掌享祭灑掃之制 三皇五帝以前三皇五帝周
文王武王漢高祖兩京成王廟令一人丞一人掌開

闔洒掃釋奠之禮

光祿寺卿一人少卿二人丞二人主簿二人掌酒醴膳

羞之政總大官珍羞良醞掌醢四署

龍朔二年改曰司

宰寺武后光宅元年曰司膳寺

大官署令二人丞四人掌供祠宴朝會膳食

珍羞

署令一人丞二人掌供祭祀朝會賓客之庶羞

良

醞署令二人丞二人掌供五齊三酒

掌醢署令一

人丞二人掌供醢醢之物

衛尉寺卿一人少卿二人丞二人掌器械儀物總武庫

武器守宮三署主簿二人

龍朔二年改司衛寺武后光

宅元年又改神龍復

丞掌判寺事

兩京武庫署令各二人丞二人掌藏兵械有赦建金

雞 武器署令一人丞二人掌外戎器及鹵簿祭戟

守宮署令一人丞二人掌供帳帟

宗正寺卿一人少卿二人丞二人掌天子族親屬籍主

簿一人知圖譜官一人脩玉牒官一人知宗子表疏官

一人錄事二人

武德二年置宗師一人後省龍朔二年

改為司宗寺武后光宅元年改為司屬寺領陵臺崇玄

二署

諸陵臺令各一人丞各一人建初啟運興寧永康陵
令各一人丞各一人掌守衛山陵凡陪葬開元二十
四年以宗廟所奉不可名以署太常少卿韋縉奏廢
太廟署以少卿一人知太廟事二十五年濮陽王澈
為宗正卿恩遇甚厚建議以宗正司屬籍乃請以陵

寢宗廟隸宗正天寶十二載駙馬都尉張伯為太常
卿得幸又以太廟諸陵署隸太常十載改獻昭乾定
橋五陵署為臺升令品永康興寧二陵稱署如故至
德二年復以陵廟隸宗正永泰元年太常卿姜慶初
復奏以陵廟隸太常大厯二年復舊 諸太子廟令
各一人丞各一人錄事各一人掌灑掃開闔之節
諸太子陵令各一人丞各一人錄事各一人 宗玄
署令一人丞一人掌京都諸觀名數與道士簿籍齋

醜之事

隋以署隸鴻臚唐置諸寺觀監隸鴻臚寺貞

觀廢上元二年置漆園監尋廢開元二十五年置宗

玄學於玄元皇帝廟天寶元年兩京置博士助教二

載改博士為宗玄博士改助教為直學士置太學生

二人以宰相為之領兩京玄元宮及道院改天下宗

玄學為通道學博士為道德博士未幾而罷

太僕寺卿一人少卿二人丞四人主簿二人錄事二人

卿掌廐牧輦之政總乘黃典廐典牧車府四署永徽改

司馭武后光宅元年改司僕寺

乘黃署令一人丞一人掌供三路及馴御之法 典

廐署令二人丞四人掌飼馬牛給養雜畜 典牧署

令三人丞六人掌諸牧雜畜給納及酥酪脯腊之事

車府署令一人丞一人掌王公以下車路 諸牧

監上牧監監各一人副監各一人丞各二人主簿各

一人中牧監監之設監監各有副監丞主簿掌詳政

孳課 東宮九牧監丞二人錄事一人掌牧養馬牛

大理寺卿一人少卿二人掌刑獄詳政龍朔二年改詳

刑寺武后光宅元年改司刑寺中宗廢

正二人掌議獄正科條丞六人掌分判寺事正刑

之輕重主簿二人掌印省署鈔目鈎檢稽失獄

丞二人掌率獄吏司直六人詳事六人掌出使推

按

鴻臚寺卿一人少卿二人丞二人掌賓客及凶儀之事

領典客司儀二署龍朔二年改同文寺武后光宅元年

改曰司賓寺

典客署令一人丞二人掌二王後介公鄩公之版籍
及四夷歸化在藩者掌容十二人掌送迎藩客
儀署令一人丞一人掌凶禮喪葬之具

司農寺卿一人少卿二人掌倉儲委積之事總上林太
倉鉤盾導官四署龍朔二年改司稼寺丞六人總判寺

事主簿二人錄事二人

上林署令二人掌苑囿園池植果蔬以供朝會祭祀

季冬藏冰 太倉署令三人丞五人監事八人掌廩
藏之事 鈎盾署令二人丞四人監事十人掌供薪

炭鵝鴨蒲萑陂池藪澤之物 導官署令一人丞四

人監事十人掌導擇米麥 初有御細倉督麩麩貞觀

省 外有太原永豐龍門等倉每倉監一人 司竹

監一人副監一人掌植竹葦 慶善石門溫泉湯等

監每監各二人掌湯池宮禁京都諸宮苑總監監各

一人副監各一人掌苑內宮館京都諸園苑監苑四

面監監各一人副監各一人掌完葺九成宮總監監
一人副監一人掌脩完宮苑 諸鹽池監監一人掌
監功簿帳 諸屯監一人掌營種屯田句會功課
太府寺卿一人少卿二人掌財貨廩藏貿易總京都四
市左右藏常平七署

丞四人掌判寺事主簿二人掌印省鈔目句檢稽失
平權衡度量錄事二人 兩京諸市署令一人丞二
人掌財貨交易度量器物 左藏署令三人丞五人

監事八人掌錢帛雜綵 右藏署令二人丞三人監
事四人掌金玉珠寶銅鐵骨角齒毛綵畫 常平署
令一人丞二人監事五人掌平糴倉儲出納 既有
六省又有九寺是政出於三也

司農太府戶部職也太常宗正禮部職也太鴻臚禮部
之主客也光祿勳但供良醞禮部之膳部也衛尉掌
軍器儀仗帳幕兵部之庫部也太僕兵部之駕部廷
尉刑部也夫天下之事以古準今雖曰條目增繁而

其綱要自不可易苟因其職位釐而分之合而總之
其屬愈多而統目有要亦無害其為善法矣唐之官
品卿監視尚書少卿視侍郎是一職而二任之又多
為之統則其勢必至於虛授而多曠是其繁也乃其
所以為曠也杜佑言其曠之弊則曰官名職務遷易
不同空存虛稱皆無事實故有二皋陶四伯囿之論
陸長源言其曠之弊則曰光祿不供酒衛尉不供幕
官曹虛設祿奉枉請噫其言之盡矣亦知其為繁乃

其所以為曠者歟

太常寺居九寺之先意者重禮樂之任也自太宗翫悅之心一動樂工雜伎如白明達韋樂提輩乃駸駸曳章服而迴翔乎士大夫之間亦過矣

大理寺掌刑之官也其他寺皆有兼職獨大理卿無焉蓋刑者民命之所繫重其職而專其任者庶其留意於刑而不敢輕用也其後張道源為大理卿天子見其年耆乃拜綿州刺史夫古者作呂刑必於耄荒之

年蓋老成定慮也今以道源德行之懿使其在位所謂皤皤黃髮國之光華顧乃棄之外服勞以吏事豈尊老貴賢之義耶吾於唐不能無憾矣

監有五國子監祭酒一人司業二人掌儒學訓導之政
總國子大學廣文四門律書算凡七學天子視學皇太子齒胄則講儀釋奠執經論議奏京文武七品以上觀禮凡授經以周易尚書周禮儀禮禮記毛詩春秋左氏傳公羊傳穀梁傳各為一經兼習孝經論語老子歲終

考學官訓導多少為殿最

丞一人掌判監事每歲七學生業成尚司業祭酒莅
試登第者上於禮部主簿一人掌印句督監事七
學生不率教者舉而免之錄事一人武德初以國

子監曰國子學隸太常寺貞觀二年復曰監龍朔二
年改國子監曰司成館祭酒曰大司成司業曰少司
成咸亨元年復曰監垂拱元年改國子監曰成均

國子學博士五人掌教三品以上及國公子孫從二

品以上曾孫為生者五分其經以為業周禮儀禮禮記毛詩春秋左氏傳各六十人暇則習隸書國語說文字林三倉爾雅每歲通兩經求作者上於監秀才進士亦如之學生以長幼為序習正業之外教吉凶二禮公私有事則相儀

龍朔二年改博士曰宣業

助教五人掌佐博士分經教授 直講四人掌佐博士助教以經書講授 五經博士各二人掌以其經之學教國子 太學博士六人助教六人掌教五品

以上及郡縣公子孫 廣文館博士四人助教二人
掌領國子學生業進士者 四門館博士六人助教
六人直講四人掌教七品以上公侯伯子男子為生
及庶人子為俊士生者 律學博士三人助教一人
掌教八品以下及庶人子為生者律令為崇業兼習
格式法例 書學博士二人助教一人掌教八品以
下及庶人子為生者石經說文字林為崇業兼習餘
書 算學博士二人助教一人掌教八品以下及庶

人子為生者二分其經以為業九章海島孫子五曹
張丘建夏侯陽周髀五經算綴術緝古為尚業兼習
記遺二等數凡六學束修之禮

少府監一人少監二人掌百工技巧之政總中尚左尚
右尚織染掌冶五署

丞六人掌判監事 主簿二人 武德初廢監以諸署

隸太府寺貞觀元年復龍朔二年改曰內府監武后

垂拱元年曰尚方監神龍復

中尚署令一人丞二

人掌供郊祀圭璧器玩后妃服飾赦日植金雞於仗
南 左尚署令一人丞五人掌供翟扇蓋繖五路五
副七輦十二車 右尚署令一人丞四人掌供十二
閑馬之轡 織染署令一人丞二人掌供冠冕組綬
及織絳色染 掌冶署令一人丞二人掌範鎔金銀
釧鐵及塗飾琉璃玉作 諸冶監令各一人丞各一
人掌鑄兵農之器 諸鑄錢監監各二人副監各二
人丞各一人以所在都督刺史判焉 互市監每監

監一人丞二人掌蕃國交易之事隋以監隸四方館

唐隸少府貞觀六年改交市監曰互市監副曰丞武

后垂拱元年改曰通市監

將作監監一人少監二人掌土木工匠之政總左校右
校中校甄官等署百工等監

丞四人掌判監事武德初改令曰大匠少令曰少匠

龍朔二年改作繕工監大匠曰大監少匠曰少監咸

亨改曰營繕監神龍復

主簿二人掌官吏糧料俸

食假使必由之

左校署令二人丞一人掌梓匠之

事樂縣翼簾兵械喪葬儀物

右校署令二人丞三

人掌版築塗泥丹堊匡廁之事

中校署令一人丞

三人掌供舟車兵械雜器

武后改曰營繕署垂拱元

年復舊尋廢開元初復置

甄官署令一人丞二人

掌琢石陶土事

百工就谷庫谷斜谷太陰伊陽監

監各一人副監一人丞一人掌采伐材木

武德初置

百工監掌舟車又置就谷庫谷斜谷太陰伊陽五監

貞觀廢百工監高宗置百工署開元十五年為監

軍器監監一人丞一人掌繕甲弩以時輸武庫總署二

一曰弩坊二曰甲坊主簿一人錄事一人武德初有武

器監掌兵仗廐牧七年廢軍器監八年復置九年又廢

貞觀元年廢武德監開元以前軍器皆出在尚署三年

置軍器監十一年復廢為甲弩坊隸少府十六年復為

監

弩坊署令一人丞一人掌出納矛稍弓矢排弩刃並

雜作 甲弩署令一人丞一人掌出納甲冑綬繩筋
角雜作

都水監使者二人掌川澤津梁渠堰陂池之政總河渠
諸津監署監一人丞二人掌判監事 主簿一人掌運

漕漁捕程會而糾舉之

武德初廢為署貞觀復為監龍

朔改為司津監使者曰監武后垂拱元年改曰水衡監
使者都尉開元二十五年不隸將作監

河渠署令一人丞一人掌河渠陂池隄堰魚鹽之事

唐有河隄使者貞觀改河隄謁者又斗門有長人貞觀六年盡廢

河隄謁者六人掌完隄堰利溝瀆漁

捕之事 諸津令各一人掌天下津濟舟梁壩橋

初有都水署貞觀元年改都水使者龍朔改司津監

丞咸亨復光宅改水衡都尉後復 祭酒訓導之

官也太宗時張嗣宗以舊學出為刺史帝因其有

請始問以欲何官后乃畀以祭酒之任太宗不自

知所以處嗣宗者必待其求豈尊師重傅之道哉

自飛騎授經諸蕃入學知太宗終欲考武功之盛
自小學之為益助大唐僅能推諸外戚宗室功臣
而已豈知古者六卿之教皆有所謂小學者耶國
學教化所從出之本豈與他官府有司比也顧乃
與近監之屬並有此唐之大失也向使以尚書門
下國子監祕書殿中為六省而降內侍於左右衛
之士則尊儒重道之意明而闕宦預政之階替矣
並唐百官志



羣書考索後集卷二